

Ársskýrsla

Framkvæmdaráð Pírata



2018-2019

Aðalfundur Pírata 2019

31.ágúst og 1.september 2019

Fundargögn

Efnisyfirlit

Dagskrá aðalfundar Pírata 2019	4
<i>Laugardagurinn 31. Ágúst</i>	4
<i>Sunnudagurinn 1. September</i>	5
Skýrsla framkvæmdaráðs starfsárið 2018- 2019	6
Framkvæmdaráð 2018-2019	6
Málefnafundir og félagsfundir	6
Formlegir vinnuhópar og ráð sem skipuð voru á árinu	7
Starfshópur um skipulagsbreytingar á strúktúr Pírata	7
Starfshópur um geðheilbrigðismál, fíknimál og málefni fanga	7
Mannauðsmál og mannauðshópur framkvæmdaráðs	8
Tortuga	9
Öryggismál og skjölun	10
<i>Frumathugun persónuverndar, mótun persónuverndarstefnu og innleiðing GDPR innan Pírata</i>	10
<i>Skjalavarsla- ISO Vottað Rafrænt skjalavörslukerfi</i>	10
Heimasíða Pírata	11
Fjárhagur félagsins	11
Fjármögnun aðildarfélaga og styrkir	12
Fjarfundarbúnaður og upplýsingaflæði	13
Lokaorð (og lærdómur)	14

Dagskrá aðalfundar Pírata 2019

Laugardagurinn 31. Ágúst

10:00 Húsið opnar. Léttur morgunverður í boði Pírata kl. 10.15.

10:50 Fundur settur / fundarstjóri kynnir dagskrá

11:00 Opnunarræða: Eva Pandora Baldursdóttir

11:10 Kynning á smiðjum *

11:30 Smiðjustarf

12:30 Hádegisverður í boði Pírata / Súpa, brauð og salat.

13:30 Smiðjustarf

14:00 KOSNINGAR: Slembivalið í framkvæmdaráð.

14:15 Smiðjustarf

15:00 Kaffihlé

15:30 Kynning á frambjóðendum til framkvæmdaráðs, úrskurðarnefndar, kjörstjórnar og skoðunarmanna reikninga.

16:15 Kosning hefst á x.piratar.is

16:15 Kynningar: Kynning á félagsstarfi og fundum flokksins í vetur, Kynning á Pírataskólanum, Kynning á Grasrótaranum, UP: Framtíðin og Ungir Píratar

17:00 Leynigestur

17:30 Fundi frestað

20:00 Skemmtidagskrá í húsnæði Garðyrkjufélagsins.

01:00 Húsið lokar

Dagskrá er birt með fyrirvara um mögulegar tilfærslur og breytingar á Aðalfundi.

Um smiðjur: Málefna- og skipulagsstarf í vinnuhópum. Mismunandi borð með mismunandi áherslum sem fólk skráir sig í á fundinum sjálfum. Annars vegar verður um að ræða svokallaðar þjóðfélagssmiðjur þar sem fjallað er um helstu áherslumál Pírata í dag og fyrir framtíðina. Hins vegar er um að ræða hugmyndir um breytingar á innra skipulagi flokksins og möguleg áhrif þeirra fram á við.

Sunnudagurinn 1. September

10:45 Húsið opnar. Léttur morgunverður

11:15 Fundur settur / fundarstjóri kynnir dagskrá

11:30 Smiðjustarf: Kynning á niðurstöðum

12:30 Hádegisverður. Pálínuboð (Potluck party).

13:30 Smiðjustarf: Kynning á niðurstöðum

14:00 Framtíðin á Íslandi: Þingflokkur Pírata

14:15 Framtíðin í Reykjavík: Dóra Björt Guðjónsdóttir og Sigurborg Ósk Haraldsdóttir

14:25 Framtíðin í Kópavogi: Sigurbjörg Erla Egilsdóttir

14:35 Framtíðin á landsbyggðinni

14:50 Kaffihlé

15:15 Árskýrsla framkvæmdaráðs: Rúnar Björn Herrera, Ársreikningur framkvæmdaráðs: Unnar Þór gjaldkeri framkvæmdaráðs. Spurt og svarað.

16:00 Kynningar: Vetrardagskrá PírataTV og Hlaðvarp Pírata kynnt, kynning á nýrri vefsíðu Pírata

16:15 Kosningu lýkur á x.piratar.is

KOSNINGAR: Úrslit kosninga kynnt

16:35 Kynningar: Kynning á nýju skráningarformi viðburða í Tortuga, kynning á Jitsi-Meet fjarfundarkerfi Pírata, kynning á streymislausnum aðildarfélaga Pírata

16:50 Samantekt frá fundarstjóra/viðburðarstjóra og önnur mál

17:15 Þökkum sjálfboðaliðum okkar, Heiðursdagskrárliður tileinkuð sjálfboðaliðum flokksins. Lokaræða: Sjálfboðaliði á lokaorð kvöldsins

17:30 Fundi slitið

Tillögur að stefnum, breytingum og önnur skjöl sem varða við aðalfund skulu berast fundarstjórn á rafrænu formi og tilbúið til meðferðar. Verður seinni partur sunnudags nýttur að parti ef einhver mál berast. Mun fundarstjórn breyta fundardagskrá eftir þörfum, lengja og jafnvel fresta ef þarf.

Skýrsla framkvæmdaráðs starfsárið 2018- 2019

Framkvæmdaráð 2018-2019

Þann 29. september 2018 á aðalfundi Pírata á Selfossi var kosið í fjögur laus sæti framkvæmdaráðs og voru þau Elín Ýr Arnar Hafðísardóttir, Halldór Auðar Svansson, Unnar Þór Sæmundsson og Valgerður Árnadóttir kjörin. Slembivaldir aðilar í framkvæmdaráð voru þeir Pétur Óli Þorvaldsson og Steinar Guðlaugsson. Framkvæmdaráð 2018 - 2019 samanstóð því af, ásamt framantöldum aðilum, þeim Ásmundi Ölmu Guðjónsson, Jóni Gunnari Borgþórssyni, Sindra Viborg og Valgeir Helga Bergþórssyni.

Áður en starfsári þessa framkvæmdaráðs lauk sögðu Ásmundur Alma Guðjónsson, Halldór Auðar Svansson, Jón Gunnar Borgþórsson, Sindri Viborg og Steinar Guðlaugsson sig úr framkvæmdaráði. Boðað var til aukaaðalfundar félagsins þann 23. febrúar s.l. vegna 12. gr. 7. kafla laga Pírata um framkvæmdaráð og þörf á að fullskipa framkvæmdaráð vegna stærðar þeirra verkefna sem beið ráðsins.

Á aukaaðalfundi voru Guðmundur Arnar Guðmundsson, Jónas Lövdal, Júlíus Blómkvist Friðriksson og Rúnar Björn Herrera Þorkelsson kjörnir í framkvæmdaráð.

Þau sem héldu áfram frá fyrra ráði voru:

Elín Ýr Arnar Hafðísardóttir, suðvesturkjördæmi, til aðalfundar 2020

Pétur Óli Þorvaldsson, norðvesturkjördæmi, til aðalfundar 2020

Unnar Þór Sæmundsson, Reykjavík suður, til aðalfundar 2020

Valgerður Árnadóttir, Reykjavík norður, til aðalfundar 2020

Nýjir komu inn og sitja til:

Guðmundur Arnar Guðmundsson, suðurkjördæmi til aðalfundar 2019

Jónas Lövdal, norðvesturkjördæmi til aðalfundar 2019

Júlíus Blómkvist Friðriksson, norðausturkjördæmi, til aðalfundar 2019

Magnús Kr. Guðmundsson, Reykjavík norður til aðalfundar 2019

Rúnar Björn Herrera Þorkelsson, Reykjavík norður, til aðalfundar 2020

Rúnar var kjörinn formaður, Elín Ýr ritari, Unnar gjaldkeri og Valgerður sem alþjóðafulltrúi. Innra samstarf nýja ráðsins fór vel af stað og hefur gengið með eindæmum vel.

Málefnafundir og félagsfundir

Starfsár okkar hófst í lok september 2018 en þá var grasrótastarfið að hefjast eftir verðskuldað hlé enda hafði verið mjög mikið um að vera með alþingiskosningar 2016 og 2017 og síðan sveitarstjórnarkosningar 2018.

Félagsfundirnir voru haldnir um hin ýmsu málefni eins og:

Tillaga á breytingum á lögum um bann við mismunun, einelti og áreitni var rætt á 6 fundum og í lok nóvember var tillagan kynnt, sett í kosningu og að lokum samþykkt.

Stefnuhorn Pírata voru opnir fundir þar sem félagsmenn fóru yfir allar stefnur pírata og þeir voru haldnir 2-3 á mánuði á haustmánuðum og tókst þeim að sameina 105 stefnur í 14 stefnur.

Sjálfbærnifélag pírata var stofnað og sunnudags-kaffisþjall varð að góðri hefð þar sem félagsfólk hittist í fjölskylduvænu umhverfi og spjalla í raunheimum.

Femínistafélag Pírata hélt aðalfund og kaus Oktavíu Hrund Jónsdóttur sem formann en hún hélt málþing og verkefnasmíðjur, Feminist principles of the internet, Pirate politics and gender með Marketa Gregorova formanni PPEU og framtíðarsmíðju Femínistafélagsins.

Aðalfundur PPEU Evrópupírata var haldinn á Íslandi í byrjun desember og þar var Market Gregorova kosin formanneskja en hún og félagar hennar í Pírötum í Tékklandi hafa hlotið góða kosningu og hafa allnokkra kjörna fulltrúa á þingi og í sveitarstjórnnum, ma. borgarstjórninni í Prag.

Fundaraðir voru einnig um mótun efnahagsstefnu, dýravelferðarstefnu, velferðarstefnu, málefni vestfjarða, auðlinda- og umhverfisverndarákvæði og atvinnustefnu svo eitthvað sé nefnt.

Og að sjálfsögðu skemmti fólk sér líka, héldum jólaglögg, þorablót, páskapönk Ungra Pírata og sumargrill.

Formlegir vinnuhópar og ráð sem skipuð voru á árinu

Starfshópur um skipulagsbreytingar á strúktúr Pírata

Núverandi framkvæmdaráð er í raun fyrsta framkvæmdaráðið sem hefur svigrúm til þess að geta einbeitt sér frekar að innri rekstur og stjórnun félagsins en þau framkvæmdaráð sem hafa verið með meginþunga sinn á undirbúning kosninga síðustu ára. Mikill samhugur var meðal aðila framkvæmdaráðs að fara að efla innra starf félagsins og tryggja aðgengi allra að félaginu, hvar sem þau eru staðsett á landinu.

Starfshópur um geðheilbrigðismál, fíknimál og málefni fanga

Framkvæmdaráð samþykkti formlegan málefnaþóp um geðheilbrigðismál, fíknimál og málefni fanga. Tilgangur hópsins er að afla upplýsinga um stöðu þessara flokka hérlandis, rýna í gögn, ræða við notendur geðheilbrigðis-, fangamála- og heilbrigðiskerfa og þjónustu, taka viðtöl og funda með ábyrgðaraðilum málefnaflokkana svo og félagasamtök, halda reglulega málefnafundum og málþing og að lokum setja inn stefnur í kosningu til félagsfólks.

Ábyrgðaraðilar starfshópsins eru þau Elín Ýr Arnar Hafðísardóttir og Unnar Þór Sæmundsson. Starf hópsins mun hefjast í haust og mun skýrsla starfshópsins vera lögð fyrir félagsfólk.

Mannauðsmál og mannauðshópur framkvæmdaráðs

Þegar nýtt framkvæmdaráð tók til starfa eftir aðalfund á síðasta ári, þá störfuðu hjá félaginu framkvæmdastjóri í fullu starfi og aðstoðarmaður framkvæmdastjóra í 80% starfshlutfalli. Fyrrum framkvæmdaráð hafði fengið HH Ráðgjöf til þess að gera úttekt á mannauðsmálum félagsins og á þeirri skýrslu, ásamt skýrslum og upplýsingum frá fyrra starfsfólki Pírata, framkvæmdaráðum og umræður félagsfólks um mannauðsmál félagsins ákvað framkvæmdaráð að auglýsa eftir annars vegar skrifstofustjóra og hins vegar starfskraft í viðburðastjórnun og miðlun. Rúmlega 30 umsóknir bárust félaginu í þessar stöður. Eftir að viðtölum við umsækjendum sem voru boðin í viðtöl og seinni viðtöl og hæfnismat á umsækjendum þá var Hans Benjamínsson ráðinn sem skrifstofustjóri, en hann hafði starfað sem aðstoðarmaður framkvæmdastjóra. Í viðburðastjórnun og miðlun voru þau Róbert Ingi Douglas, fyrrum kosningastjóri Pírata á höfuðborgarsvæðinu í sveitarstjórnarkosningum 2018 ráðinn og einnig Berglind Jónsdóttir sem ekki hafði starfað áður með Pírötum. Þessi samsetning var framkvæmdaráð sammála um að væri góð og þekking og reynsla starfsfólks breið, fjölbreytt og mikil. Nýtt starfsfólk hóf störf þann 1. febrúar 2019.

Við upphaf ráðningar þessa nýja starfsfólks gerði framkvæmdaráð sér ljóst að um væri að ræða mikla fjárfestingu hjá félaginu og mikilvægt að hún væri félaginu og ekki síst félagsfólki í hag. Á fyrstu þremur mánuðum nýju starfanna fékk framkvæmdaráð því reglulegar skýrslur frá framkvæmdastjóra um framvindu og þróun nýju starfanna.

Þarfragreining og yfirferð verkefna leiddu í ljós að staða skrifstofustjóra var ekki að nýtast heildrænt á litið við þau efnisatriði og þætti sem upprunalega hafði verið farið fram með við stofnun stöðunnar. Í kjölfarið var stofnaður mannauðshópur innan framkvæmdaráðs með það að markmiði að finna starfsmannamálum betri farveg fyrir starfsfólkið sjálft sem og Pírata í heild sinni. Ein af forsendum þess að ákveðið var að leggja niður stöðu skrifstofustjóra hafði að gera með tilfærslu áhersluatriða nýja ráðsins. Fram hefur ítrekað komið að forritunarstaða væri þörf vegna kerfisbundins viðhalds og vefforritun á vefsíðu inn.

Skyldur hópsins voru meðal annars að koma að gerð reglugerðar fyrir komandi starf og skilgreina þarfir hverju sinni. Hópurinn fékk umboð og var formlega skilgreindur sem vinnuhópur undir framkvæmdaráði í apríl. Markmið hópsins var að móta umgjörð um mannauðsmál félagsins, vinna að því að tryggja starfsánægju og öryggi svo dæmi séu nefnd. Valgerður Árnadóttir var tilnefnd sem forseti hópsins, Guðmundur Arnar Guðmundsson sem tengiliður við starfsfólk, þá sérstaklega framkvæmdastjóra og Jónas Lövdal tilnefndur sem meðstjórnandi. Fljótlega kom í ljós að fyrirkomulag þar sem hópur sérstaklega sinnir starfsmannamálum var þarfur. Þegar umsvif hópsins jókst var ákveðið að stækka hann og þingflokki boðið ráðgefandi sæti meðal nefndarinnar. Niðurstöður þessarar vinnu bíða næsta framkvæmdaráðs til mótunar og þróunar.

Framkvæmdastjóri Pírata fór í veikindaleyfi í maí s.l. og sagði hún svo starfinu lausu í júlímánuði frá 30. september n.k. Framkvæmdaráð þakkar Erlu Hlynisdóttur fyrir samstarfið og framlag sitt til félagsins og óskar henni velfarnaðar í komandi verkefnum. Nú þegar er hafin vinna við að auglýsa eftir nýjum framkvæmdastjóra félagsins.

Vegna fjarveru framkvæmdastjóra og útistandandi verkefna var starfsmaður okkar, Róberti Inga Douglas boðið að taka að sér 50% aukastarf við verkefnastjórn í Tortúga, almennan rekstur og bókhald. Hann þáði það og hefur framkvæmt vel og samþykkt að halda áfram þar til nýr framkvæmdastjóri verður ráðinn en þá verður aftur farið yfir starfshlutfall hans.

Tortuga

Frá því að Píratar fluttu í núverandi húsnæði að Síðumúla 23 hefur húsnæðið fengið þó nokkrar endurbætur, aðgengi var bætt og má segja að húsnæðið sé gjörbreytt frá því við tókum við því.

Fyrir kosningabaráttu sveitarstjórnarkosninga á síðasta ári var ráðist í nokkrar endurbætur á húsnæðinu að innanverðu sem félagið sjálft fjármagnaði. Eftir að starfsfólk viðburðastjórnunar og miðlunar hóf störf var sett upp hljóðver baka til þar sem nú er fullkomin aðstaða til þess að taka upp hlaðvörp, auk vinnuaðstöðu upplýsingastjóra og starfsfólks.

Sjálfbóðaliðar lögðu svo hönd á plóg og mættu í Tortuga einn laugardaginn og var húsnæðið tekið enn betur í gegn. Barnarýmið, eða Leikfyllta bakherbergið fékk nýjan stað og góða yfirferð. Skrifstofa var sett upp þar sem barnarýmið (Leikfyllta bakherbergið var áður).

Aðalrýmið var opnað þar sem móttökuborð var tekið niður og aðgengi bættist þá til muna. Hurð að nýju skrifstofunni var máluð fagurlega fjólublá og aðrar góðar úrbætur gerðar. Farið var í að flokka gögn og varning sem félagið á og gengið frá. Til viðbótar við þetta lét leigusali gera endurbætur vegna öryggisráðstafana og var tekinn niður veggur ásamt hurðaropi og fært, eldvarnarveggur settur upp milli rýma og fyrirhugað er að settur verður gluggi með neyðarútgangi aftast í húsnæðinu í framhaldi af eldhúsinu. Fundarherbergi (Græna herbergið) var málað hvítt og teppalagt svo hljóðvist bættist til muna. Við tókum þó fram að rýmið ber enn heitið Græna herbergið og er merkt svo. Grænum áherslum verður svo bætt inn þegar fram í sækir.

Aðrar breytingar á húsnæði hafa verið fyrirhugaðar líkt og betri rampur að útihurðinni ásamt nýjum merkingum á rúðum. Áfram verður unnið að því að gera Tortuga að okkar fagra flaggskipi og þá fyrst og fremst með aðgengi í huga og að gott sé fyrir sjálfbóðaliða að vera, gesti að koma og ekki síst starfsfólk okkar að vinna.

Framkvæmdaráð vill koma kærum þökkum til allra þeirra sjálfbóðaliða sem hafa lagt hönd á plóg við að fegra Tortuga og ekki síst fær Robert Ingi Douglas upplýsingastjóri vor og Sigmundur Þórir Jónsson margfaldar þakkir fyrir mikla og góða vinnu við að bæta skipulag, fegra Tortuga og gera aðgengi að tæknilegu vöndunarhúsi okkar aðgengilegra og betra.

Öryggismál og skjölun

Framkvæmdastjóri tók á öryggismálum þar sem kóða og lyklamál fengu úrbætur. Þau sem hafa aðgang að lykla- og öryggiskóðum Tortuga skrifa öll undir trúnaðaryfirlýsingu líkt og áður og er aðgangur hvers og eins skráður út frá hlutverki þess aðila. Til viðbótar við aðgengismál að félagsheimilinu var farið í ítarlegri öryggisúttektir og var ráðist í eftirfarandi framkvæmdir:

1. Frumathugun persónuverndar, mótun persónuverndarstefnu og innleiðing GDPR innan Pírata

Líkt og vitað er þá var sett á lög um persónuvernd en þau kalla á að brugðist sé við því innan allra sviða sem meðhöndla einhversskonar persónuupplýsingar. Auðvitað á það einnig við um stjórnmalahreyfingar því innan þeirra er að finna m.a. félagatal sem flokkast sem viðkvæmar persónuupplýsingar. Fyrir utan að innleiða GDPR innan Pírata var einnig þörf á að bregðast við frumathugun Persónuverndar hún felur í sér að Persónuvernd kallar eftir upplýsingum um hvernig stjórnmalahreyfingar hafa m.a. nýtt sér samfélagsmiðla og félagatöl sín í kosningabaráttunni 2016. Persónuvernd leitast við því að athuga hvort persónuupplýsingar hafa verið misnotaðar við gerð persónusniðs í pólitískum tilgangi, líkt og sjá má í Bandaríkjunum í síðustu forsetakosningum.

Framkvæmdaráð fór í að yfirfara hlutina hjá sér vegna innleiðingu persónuverndarlaga. Fyrir hönd framkvæmdaráðs var Guðmundur Arnar Guðmundsson settur í innleiðingu persónuverndarlaga og fór hann í tilboðsleit til aðila varðandi innleiðingu þeirra.

Eftir að hafa farið yfir tilboð og innihald þá ákvað framkvæmdaráð að ráða til sín kjarnakonurnar í Future404. Framkvæmdaráð var einróma um það að hjá þeim fengum við mestu gæðin, ítarlegustu yfirferðina og einnig þann hraða sem þarf að hafa á innleiðingunni án þess að það skerði gæðin.

Eigendur future404 eru þær Oktavía Hrund Jónsdóttir, Olga Margrét Cilia og Sunna Rós Víðisdóttir. Oktavía og Olga sjá um framkvæmd á innleiðingunni.

Mikil vinna hefur farið í þessa vinnu en einng tóku þær að sér að svara frumathugunar spurningum Persónuverndar fyrir hönd Pírata. Sú vinna er enn í gangi. Eitt af því sem berlega kom í ljós við upplýsingaleit innan Pírata vegna kosningavinnu þess tíma sem um ræðir var að upplýsingar um ákvarðanatöku var ekki auðvelt að finna vegna þess hve skjölun innan flokksins var ábótavant. Vegna þessa er einnig hafin sú vinna að bæta skjalavörslu Pírata.

2. Skjalavarsla- ISO Vottað Rafrænt skjalavörslukerfi

Við vinnu Framkvæmdarráðs hefur ófáum sinnum komið upp sú staða að meðlimir ráðsins hafa staðið frammi fyrir að upplýsingar og gögn um mál og málefni séu jafnan dreifð um víðan völl eða töpuð. Til að koma í veg fyrir tapaða þekkingu innan Pírata var tekið sú ákvörðun að leita til fyrirtækja sem bjóða ISO vottuð skjalavörslukerfi. Einnig spilar inn í þessa ákvörðun ýmsar reglur og áherslur sem Persónuvernd krefur á um. Meðlimur ráðsins setti sig í samband við tvö helstu fyrirtækin á Íslandi sem bjóða íslenska afurð í þessum málum og leitaði tilboða frá þeim.

Á fundi framkvæmdaráðs þann 27. ágúst sl. var að lokum staðfest að undirrita samning við GoPro og mun sú innleiðing fljótlega eiga sér stað og tryggja aðgengi að upplýsingum enn betur, skjölun og tryggja þjónustu.

Heimasíða Pírata

Heimasíða okkar hefur í gegnum tíðina fengið nokkrar endurbætur og yfirhalningu og var nýrri heimasíðu félagsins fagnað 2016. Að gerð þeirrar heimasíðu kom dýrmætur auður okkar í grasrót. Framkvæmdaráð vill enn og aftur þakka þeim sem komu að gerð heimasíðunnar fyrir vel unnið starf. Eftir að við gengum svo í gegnum þrennar kosningar þar sem mikið hefur mætt á heimasíðuna og sjálfboðaliða vegna hennar þótti þörf að heimasíðan yrði aðgengilegri og notendavænni. Berglind Jónsdóttir fór í að greina heimasíðu okkar og eftir yfirgripsmikla vinnu kynnti Berglind nýjan hönnunarstaðal fyrir félagið svo og drög að heimasíðu. Við gerð nýrrar heimasíðu var ákveðið að leita eftir verktaka í verkið og var Gauti Nils Bernhardsson ráðinn og hefur hann unnið ótullega að smíðinni ásamt Berglinni.

Fjárhagur félagsins

Þegar nýtt framkvæmdaráð tók við var ljóst að mikil vinna var framundan vegna fjármála félagsins, enda kosningabarátta nýliðin.

Bókhald þurfti aukið gegnsæi og ekki opnað í einhvern tíma og var það á höndum nýja ráðsins að reyna bæta úr því.

Mikið verk hefur unnist á þessu ári. Í seilingu er opnun á bókhaldi og búið að fara yfir óútskýrða reikninga aftur til 2013.

Gjaldkeri vann náíð með fagaðilum sem lögðu línurnar hvernig best væri að nálgast þetta viðamikla verkefni. Með þrotlausri vinnu og stefnu um að loks væri hægt að opna bókhaldið mun það vera hægt núna í kringum aðalfund 2019.

Mikil þekking hefur unnist og safnast sér í lagi úrbætur á verklagi og hvernig gjaldkera og öðrum sem fara með fjárumráð skulu haga sinni vinnu. Fordæmi sem vonandi nýtast nýju framkvæmdaráði.

Framkvæmdaráð 2018 tók við bókhaldi félagsins sem var á þeim tíma í gríðarlegum ólestri og bar þess merki að hafa verið látið mæta afgangi.

Með þrotlausri vinnu og hugrekki til þess að taka erfiðar og stórar ákvarðanir hefur okkur tekist að ekki bara snúa fjárhagnum við heldur höfum við líka lagt grunnin að mikilli uppbyggingu Píratahreyfingarinnar.

Gjaldkeri lagði strax í upphafi skýrar línur á milli sín og starfólks hvað varðar greiðslu reikninga og launa og hefur það fyrirkomulag þar sem gjaldkeri sinnir eftirlitshlutverki en ekki eiginlegu framkvæmdastarfi reynst gríðarlega vel.

Fjármögnun aðildarfélaga og styrkir

Framkvæmdaráð hóf snemma umræðu um að veita fjármagn til aðildarfélaga Pírata, ekki síst þeirra sem eru á landsbyggðinni. Þegar framkvæmdaráð kynnti fjárhagsáætlun sína í október síðastliðinn, þá var hún gerð til ársins 2021 og lögð áhersla á fjármagn til aðildarfélaga. Gert er ráð fyrir hækkanði fjárframlagi til aðildarfélaga til ársins 2021 með núverandi skipan félagsins í huga. Framkvæmdaráð er þó sammála um það að Píratar hafa stækkað það mikið að ljóst er að töluverðar breytingar þurfa að eiga sér stað, einingum að fjölga og ábyrgðarkeðja og sjálfstæði eininganna jafnframt að efla.

Framkvæmdaráði fannst því ekki nægja að setja fjármagn til aðildarfélaga í fjárhagsáætlun þar sem lagarammi félagsins tryggir ekki það fjármagn né ábyrgðarhlutverk og umsýslu aðildarfélaganna vegna fjármagns. Til að mynda að þá tóku Píratar á Suðurnesjum húsnæði á leigu og greiddi framkvæmdaráð aukið fjármagn til aðildarfélagsins í ljósi þessa. Ábyrgðarkeðja og ferlar gerðu þó Pírötum á Suðurnesjum erfitt fyrir að geta fengið fjármagn um leið og það vantaði og auk þess er langtímaleiga félagsheimilis aðildarfélags, í núverandi lagaumhverfi félagsins ekki tryggt. Aðildarfélög eiga því erfitt með að geta gengið að fjármagni vísu í starfsemi sína og framkvæmdaráð getur ekki varpað ábyrgð á aðildarfélag nema lögum félagsins sjálfs taki breytingum.

Í ljósi þessa var lagst í að finna lausnir við þessu og ekki síst vegna þess að undanfarið misseri höfðu verið miklar umræður meðal félagsfólks og á félagsfundum um þörf á endurskoðun félagsins hvað varðaði uppbyggingu þess. Þegar Snæbjörn Brynjarsson, fyrrum formaður framkvæmdaráðs og varapingmaður Pírata, sem einnig hafði haldið röð félagsfunda um skipulag Pírata hafði samband við framkvæmdaráð, þá tók framkvæmdaráð því fagnandi. Erindi Snæbjörns var að stofnaður yrði vinnuhópur sem myndi vinna að skipulagsbreytingum Pírata.

Framkvæmdaráð auglýsti á félagatalinu eftir tilnefningum í vinnuhóp sem myndi vinna markvisst að skipulagsbreytingum á félaginu. Allar þær tillnefningar sem bárust framkvæmdaráði voru samþykktar og var starfshópurinn samþykktur sem formlegur vinnuhópur framkvæmdaráðs og að starfshópurinn myndi starfa fram að aðalfundi. Starfshópurinn var að störfum í allt sumar og í þeim starfshóp eru:

Helgi Hrafn Gunnarsson, kjörinn formaður

Baldur Karl Magnússon, starfsmaður þingflokks, kjörinn ritari

*Álfheiður Eymarsdóttir, varapingmaður Pírata í Suðurlanddæmi og
varasveitarstjórnarfulltrúi í Árborg*

Dóra Björt Guðjónsdóttir, borgarfulltrúi

Elín Ýr Arnar Hafðísardóttir, ritari framkvæmdaráðs

Eiríkur Rafn Rafnsson, starfsmaður þingflokks

*Jason Steinþórsson, fyrrum gjaldkeri framkvæmdaráðs og endurskoðunarmaður
reikninga*

Jón Þór Ólafsson, þingmaður Pírata í suðvesturlanddæmi

Margrét Sigrún Þórólfsdóttir, stjórnaraðili Pírata í Reykjaneshæ

Sunna Rós Víðisdóttir, starfsmaður þingflokks

Þær Margrét Sigrún Þórólfsdóttir og Álfheiður Eymarsdóttir sögðu sig úr starfshópnum áður en vinnu hans lauk. Starfshópurinn rýndi í öll tiltæk gögn um störf félagsins, vinnu, hugmyndavinnu og fundargerðir og skipti með sér verkum og unnið var að því að starfshópur myndi vinna að ákveðinni niðurstöðu. Vinna þessa starfshóps mun vera kynnt á aðalfundi, auk þess sem starfshópurinn mun leggja fram hugmyndir sínar að áframhaldandi vinnu, svo og tillögur að skipulagsbreytingum félagsins.

Fjarfundarbúnaður og upplýsingaflæði

Framkvæmdaráð gerði samning, 2016 við Senu um kaup á búnaði og leigu á fjarfundarhugbúnaði. Fjarfundarbúnaður þessi reyndist ekki nægilega aðgengilegur fyrir félagsfólk og nýttist ekki þörfum félagsins og ákvað framkvæmdaráð að segja upp samningnum og leita nýrra leiða til þess að aðgengi félagsfólks að fundum og að geta haldið fundi væri betra. Róbert Ingi Douglas hefur unnið ótúllega í þeim lausnum sem einnig munu verða kynntar á aðalfundi.

Það er mikilvægt að upplýsingaflæði sé ekki skert og aðgengi félagsfólks að fundum sé ekki takmarkað vegna búsetu þess. Nú þegar félagið sér fram á að geta unnið að uppbyggingu innra starfs, þá er von þessa framkvæmdaráðs að verðandi framkvæmdaráð, starfsfólk og félagsfólk haldi áfram þeirri vinnu að efla aðgengi allra, óháð búsetu að fundarhaldi og upplýsingum og að við náum að innleiða þá tækni sem internet 21.aldarinnar býður okkur upp á.

Lokaorð (og lærdómur)

Núverandi framkvæmdaráð hefur starfað í skamman tíma, frá lok febrúar á þessu ári og er starfstími þess einungis rétt um sjö mánuðir nú þegar aðalfundur er. Einungis fjórir aðilar eru í framkvæmdaráði sem hafa starfað í eitt ár. Þótt starfstími ráðsins hafi verið skammur, þá er sá starfstími búinn að vera mjög viðburðaríkur og ekki síst, lærdómsríkur. Verkefni sem hvíla á herðum einingar eins og framkvæmdaráðs eru mörg, umfangsmikil og mörg hver, erfið og tímafrek. Hver og einn í framkvæmdaráði ber ábyrgð á stjórn og rekstri félagsins í heild sinni og sú ábyrgð er mikil á herðum sjálfboðaliða en ekki síður mjög dýrmætt veganesti.

Píratar eru að sjá fram á, eins og komið hefur fram, að geta einbeitt sér að félaginu sjálfu og félagsfólki í stað kosningabaráttu og eru mörg og góð tækifæri til þess að taka höndum saman og efla okkur. Við höfum öll verið ákaflega lánsöm með framtakssamt fólk sem hefur sýnt af sér mikla óeigingirni og lagt mikið af mörkum til félagsins. Það er ekki hægt að fullpakka hverri og einni manneskju sem hefur lagt sitt til.

Við sjáum mikla þörf fyrir að efla frelsi aðildarfélaga um allt land og tryggja þeim sitt sjálfstæði og ábyrgð til þess að byggja upp sínar einingar. Einnig er valddreifingin okkur öllum afar kær og það hefur lengi verið í umræðunni að dreifa valdinu víðar og betur. Vonandi mun skipulagsstarf okkar, í starfshóp svo og aðalfundi leiða til þess að við sjáum okkar umdeilda, en þó, einstaka strúktúr vaxa í takt við okkar áherslur.

Framkvæmdaráð Pírata 2019